

四庫全書薈要

• 乾隆御覽本

子部

欽定四庫全書薈要

子部

戰國策卷一

二



臣王杰詳校  
詳校官主事臣陳本

# 戰國策

## 提要



臣等謹案戰國策十卷宋鮑彪注彪縉雲人  
官尚書郎戰國策一書編自劉向注自高誘  
至宋而誘注殘缺曾鞏始合諸家之本校之  
而於注文無所增損姚宏始稍補誘注之缺  
而校正者多訓釋者少彪此注成於紹興丁

卯其序中一字不及姚本蓋二人同時宏又

以忤秦檜死其書尚未盛行於世故彪未見

也彪書雖首載劉向曾鞏二序而其篇次先

後則自以己意改移非復向鞏之舊是書竄

亂古本實自彪始然向序稱中書餘卷錯亂

相糅莒又有國別者八

案莒字未詳今姑仍原本錄之

篇少

不足臣向因國別者畧以時次之分別不以

序者以相補除復重得三十三篇又稱中書

本號或曰國策或曰國事或曰短長或曰事  
語或曰長書或曰修書云云則向編此書本  
哀合諸國之記刪併重複排比成帙所謂三  
十三篇者實非其本來之次第彪核其事迹  
年月而移之尚與妄改古書者有間其更定  
東西二周自以為考據之特筆元吳師道作  
補正極議其誤考趙與肯賓退錄曰戰國策  
舊傳高誘注殘缺踈畧殊不足觀姚令威寬

補注

案補注乃姚寬之兄姚宏所作今尚有傳本已著於錄此作姚寬殊誤謹附訂

於此

亦未周盡獨縉雲鮑氏校注為優雖間有

小疵多不害大體惟東西二周一節極其舛

謬深悞學者是則南宋人已先言之矣師道

注中所謂補者即補彪注所謂正者亦即正

彪注其精核實勝於彪其序文所摘彪注大

紕謬者十九條亦皆允當然彪注疏通詮解

實亦殫一生之力故其自記稱四易稿後始

悟周策之嚴氏陽豎即韓策之嚴遂陽堅而  
有校書如塵埃風葉之嘆雖踵事者益密正  
不得遽沒初始之功矣乾隆四十二年十一  
月恭校上

總纂官臣紀昀陸錫熊臣孫士毅

總校官臣陸費墀

欽定四庫全書

提要



戰國策原序

劉向所定著戰國策三十三篇崇文總目稱十一篇者  
闕臣訪之士大夫家始盡得其書正其誤謬而疑其不  
可考者然後戰國策三十三篇復完叙曰向叙此書言  
周之先明教化修法度所以大治及其後詐謀用而仁  
義之路塞所以大亂其說既美矣卒以謂此書戰國之  
謀士度時君之所能行不得不然則可謂惑於流俗而  
不篤於自信者也夫孔孟之時去周之初已數百歲其

舊法已亡其舊俗已熄久矣二子乃獨明先王之道以  
為不可改者豈將強天下之主以後世之所不可為哉  
亦將因其所遇之時所遭之變而為當世之法使不失  
乎先王之意而已也二帝三王之治其變固殊其法固  
異而其為國家天下之意本末先後未嘗不同也二子  
之道如是而已蓋濫者所以適變也不必盡同道者所  
以立本也不可不一此理之不易者也故二子者守此  
豈好為異論哉能勿苟而已矣可謂不惑於流俗而篤

於自信者也戰國之游士則不然不知道之可信而樂於說之易合其設心注意偷為一切之計而已故論詐之便而諱其敗言戰之善而蔽其患其相率而為之者莫不有利焉而不勝其害也有得焉而不勝其失也卒至蘇秦商鞅孫臏吳起李斯之徒以亡其身而諸侯及秦用之亦滅其國其為世之大禍明矣而俗猶莫之悟也惟先王之道因時適變為灋不同而考之無疵用之無敝故古之聖賢未有以此而易彼也或曰邪說之害

正也宜放而絕之則此書之不泯其可乎對曰君子之禁邪說也固將明其說於天下使當世之人皆知其說之不可從然後以禁則齊使後世之人皆知其說之不可為然後以戒則明豈必滅其籍哉放而絕之莫善於是故孟子之書有為神農之言者有為墨子之言者皆著而非之至於此書之作則上繼春秋下至秦漢之起二百四十五年之間載其行事固不得而廢也此書有高誘注者二十一篇或曰三十二篇崇文總目存者八

篇今存者十篇云編校史館書籍臣曾鞏序

護左都水使者光祿大夫臣向言所校中戰國策書中  
書餘卷錯亂相糅莒又有國別者八篇少不足臣向因  
國別者略以時次之分別不以序者以相補除復重得  
三十三篇本字多誤脫為半字以趙為肖以齊為立如  
此字者多中書本號或曰國策或曰國事或曰短長或  
曰事語或曰長書或曰脩書臣向以為戰國時游士輔  
所用之國為之策謀宜為戰國策其事繼春秋以後

訖楚漢之起二百四十五年間之事皆定以殺青書可  
繕寫叙曰周室自文武始興崇道德隆禮義設辟雍泮  
宮庠序之教陳禮樂弦歌移風之化叙人倫正夫婦天  
下莫不曉然諭孝弟之義惇篤之行故仁義之道滿乎  
天下卒致之刑錯四十餘年遠方慕義莫不賓服雅頌  
歌詠以思其德下及康昭之後雖有衰德其綱紀尚明  
及春秋時已四五百載矣然其餘業遺烈流而未滅五  
霸之起尊事周室五霸之後時君雖無德人臣輔其君

者若鄭之子產晉之叔向齊之晏嬰扶君輔政以並立於中國猶以義相支持歌說以相感聘覲以相交期會以相一盟誓以相救天子之命猶有所行會饗之國猶有所耻小國得有所依百姓得有所息故孔子曰能以禮讓為國乎何有周之流化豈不大哉及春秋之後衆賢輔國者既沒而禮義衰矣孔子雖論詩書定禮樂王道粲然分明以匹夫無勢化之者七十二人而已皆天下之俊也時君莫尚之是以王道遂用不興故曰非威

不立非勢不行仲尼既沒之後田氏取齊六卿分晉道德大廢上下失序至秦孝公捐禮讓而貴爭戰棄仁義而用詐譎苟以取強而已矣夫篡盜之人列為侯王詐譎之國興立為強是以轉相放效後生師之遂相吞滅并大兼小暴師經歲流血滿野父子不相親兄弟不相安夫婦離散莫保其命渙然道德絕矣晚世益甚萬乘之國七千乘之國五敵侔爭權盡為戰國貪饕無耻競進無厭國異政教各自制斷上無天子下無方伯力功



爭強勝者為右兵革不休詐偽並起當此之時雖有道  
德不得施設有謀之強負阻而恃固連與交質重約結  
誓以守其國故孟子孫卿儒術之士棄捐於世而游說  
權謀之徒見貴於俗是以蘇秦張儀公孫衍陳軫代厲  
之屬生從橫短長之說左右傾側蘇秦為從張儀為橫  
橫則秦帝從則楚王所在國重所去國輕然當此之時  
秦國最雄諸侯方弱蘇秦結之時六國為一以儔背秦  
秦人恐懼不敢闕兵於關中天下不交兵者二十有九

年然秦國勢便形利權謀之士咸先馳之蘇秦初欲橫  
秦勿用故東合從及蘇秦死後張儀連橫諸侯聽之西  
向事秦是故始皇因四塞之國據崤函之阻跨隴蜀之  
饒聽衆人之策乘六世之烈以蠶食六國兼諸侯并有  
天下仗於詐謀之弊終無信篤之誠無道德之教仁義  
之化以綴天下之心任刑罰以為治信小術以為道遂  
燔燒詩書坑殺儒士上小堯舜下邈三王二世愈甚惠  
不下施情不上達君臣相疑骨肉相䟽化道淺薄綱紀

壞敗民不見義而懸於不寧撫天下十四歲天下大潰  
詐偽之弊也其比王德豈不遠哉孔子曰道之以政齊  
之以刑民免而無耻道之以德齊之以禮有耻且格夫  
使天下有所耻故化可致也苟以詐偽偷活取容自上  
為之何以率下秦之敗也不亦宜乎戰國之時君德淺  
薄為之謀策者不得不因勢而為資據時而為闕故其  
謀扶急持傾為一切之權雖不可以臨教化兵革救急  
之勢也皆高才秀士度時君之所能行出奇策異智轉

危為安運亡為存亦可喜皆可觀護左都水使者光祿大夫臣向所校戰國策書錄

劉氏定著三十三篇東周一西周一秦五齊六楚四

趙四魏四韓三燕三宋衛一中山一

今按西周正統也  
不得後於東

周定為  
首卷

彪校此書四易橐而後繕寫已已仲春重校始知東周策嚴氏之賊陽豎與焉為韓策嚴遂陽堅也先哲言校書如塵埃風葉隨掃隨有豈不信哉尚有舛謬以俟君

子十一日書



戰國策自序

國策史家流也其文辯博有煥而明有婉而微有約而深太史公之考本也自漢稱為戰國策雜以短長之號而有蘇張縱橫之說學者諱之置不論非也夫史氏之法具記一時事辭善惡必書初無所決擇楚曰檇杌書惡也魯曰春秋善惡兼也司馬史記班固漢書有佞幸等列傳學者豈以是為不正一舉而棄之哉矧此書若張孟談魯仲連發策之慷慨諒毅觸讐納說之從容養

叔之息射保功莫大焉越人之投石謀賢莫尚焉王斗之愛穀憂國莫重焉諸如此類不一皆有合先王正道孔孟之所不能違也若之何置之曾鞏之序美矣而謂禁邪說者固將明其說於天下則亦求其故而為之說非此書指也起秦迄今千四百歲由學者不習或衍或脫或譌或失次故肯立半字時次相糅劉向已病之矣舊有高誘注既疎略無所稽據注又不全浸微浸滅殆於不存彪於是考史記諸書為之注定其章條正其衍



說而存其舊慎之也地理本之漢志無則闕字訓本之  
說文無則稱猶雜出諸書亦別名之人姓名多不傳見  
欲顯其所說故繫之一國亦時有論說以翊宣教化可  
以正一史之謬備七畧之闕於以論是非辨得失而考  
興亡亦有補於世紹興十七年丁卯仲冬二十有一日  
辛巳冬至縉雲鮑彪序



戰國策卷一

宋 鮑彪 注

西周

漢志河南洛陽穀城平陰偃師鞏緱氏皆周地也

安王

威烈王子此類並以事見紀表世家新出

嚴氏為賊

嚴仲殺韓相傀列侯三年書殺俠累是也殺人不以道曰賊於此為五年而陽豎

與焉

鴻烈人間訓注豎小使也韓策名堅

道周

出亡周君留之十四日

載以乘車駟馬而遣之

乘四馬也一車駕四馬所謂駟馬車韓使人讓

周

諫譙責也然則此時周之令已不行於諸侯矣

周君患之客謂周君正語

之曰

使以留之寡人王侯之稱

寡人

孤寡不穀知嚴氏之為賊而陽

之曰

豎與之故留之十四日以待命也

待韓之命

小國不足

亦

字以容賊君之使又不至是以遣之也

元在東周策時周末分也

彪謂客之辯雖足以文周而周君實為天子遁逃主所謂欲蓋而彰者何以示天下乎

報王

周紀慎觀王子歲丁未立徙都西周西周鎬京也宋忠曰卒謚西周武公

周共太子死

周紀云西周武公之共太子死

有五庶子皆愛之而無適

立也

適猶定也故與莫反

司馬翦

司馬楚卿疑即昭翦

謂楚王

懷

曰何不

封公子咎

周君別子

而為之請太子

請於周使立為太子

左成

楚人謂

司馬翦曰周君不聽是公之智困

困不通也

而交絕於周

也不如謂周君曰孰欲立也微告翦翦令楚王資之

以地

封之以為之資

公若欲為太子

此左成告翦之辭為皆去音猶助也

因令

人謂相國御展子

楚相之御姓展

騰夫

騰字同小臣也空其名

曰王

類欲令若為之

王楚王類猶似若汝也言楚王之意然

此健士也

此亦左成

喻翦之言健猶悍也

居中

中國

不便於相國

二士居中與國事以其悍故相國不之便

若出而使周則不居中用事相國之所欲也故以此說之相國必從

相國令之為太子

此策周紀有  
元在東周

謂齊王

凡言謂言為而不人失之也猶言或謂或為王閔王

曰王何不以地齋周

最

齋持遺也最周之庶乎凡周皆周之族

以為太子也齊王令司馬悍

齊人以賂進周最於周

進猶薦

左尚

齊人

謂司馬悍曰周不

聽是公之智困而交絕於周也公不如謂周君曰何

欲置

置猶立

令人微告悍悍

一本悍請令

令王進之以地左

尚以此得事

以教悍得齊王意故委任之疑此即上章楚王楚人

司寇布

司寇周官布其名

為周最謂周君曰君使人告齊王以

周最不肯為太子也

閔王善最欲其為太子以賂進之最時讓立周以最不肯立告

齊

臣為君不取也

治氏 治銷鐵也 蓋其姓

為齊太公

田和也始

代呂氏 為齊侯

買良劍公不知善歸其劍而責之金

歸還之也責取

也金買 劍之金

越人請買之千金折而不賣

折折 劍

將死

治氏將

死

而屬其子

屬囑同集 韻託辭

曰必無

無以 告人

獨知其良

今君

之使最為太子

周雖以最不肯立告齊 猶欲立之特未定耳

獨知之契也

契約也 當兩 知之今則獨

天下未有信之者也臣恐齊王之謂

元作

為君實立果

亦周

而讓之於最

讓飾 說也

以嫁之於齊

儲

賣也言欺齊

君為多巧

巧猶詐

最為多詐

心欲之而

君何不

買信貨哉

可信之貨非獨知也

奉養無有愛於最也

愛猶吝

使天

下見之

然則立最信矣從周紀皆當為楚王

秦令樗里疾

秦惠王弟其居在渭南陰鄉樗里故號樗里子後相武王

以車百乘入

周周君迎之以卒

百人為卒

甚敬楚王怒

懷

讓周以其重

秦客

謂疾

游騰

周人

謂楚王曰昔智伯

晉卿智襄子之孫瑤

欲伐公

由

夷國屬臨淮漢志由作猶又九域圖并州有仇猶城引此

遺之大鍾載以廣車

欲開道也

因隨入以兵公由卒亡無備故也

受其鍾不防有兵

桓



公伐蔡也

僖二年蔡姬沈舟盪公公怒歸之未絕也蔡嫁之故伐之蔡蔡叔度所封屬汝南後

徒沛號言伐楚

號聲言也以

其實襲蔡

無鐘鼓

今秦

虎狼之國也

喻其貪殘

兼有吞周之意使樗里疾以車百

乘入周周君懼焉以蔡公由惑之

以二國為惑

故使長兵

在前

戈矛之屬

强弩在後名曰衛疾

衛行列為護也

而實囚之周

君豈能無愛國哉恐一日之亡國

恐秦亡之

而憂大王

為楚

憂

楚王乃悅

樗里傳有

雍氏之役

周紀注陽翟有雍氏城韓記注赧王三十五年楚再圍雍氏此十五年也

韓徵

甲與粟於周

微猶索

周君患之告蘇代

秦之弟洛陽人

蘇代曰

何患焉代能為君令韓不微甲與粟於周又能為君

得高都

屬上堂

周君大悅曰子苟能寡人請以國聽

以國

事從之

蘇代遂往見韓相國公仲

元作中下同韓公族

曰公不聞

楚計乎昭應

楚將也昭屈景皆楚之族姓後有不重注

謂楚王

懷

曰韓氏

罷於兵

罷疲同勞也

倉廩空

並穀所入

無以守城吾攻之以飢

因其飢攻之

不過一月必拔之

得城曰拔如拔物然

今圍雍氏五月

不能拔是楚病也

病猶困也

楚王始不信昭應之計矣今

公乃徵甲與

元作及

粟於周此告楚病也

猶以飢疲告之

昭應

聞此必勸楚王益兵守雍氏雍氏必拔公仲曰善然

吾使者已行矣代曰公何不以高都與周公仲怒曰

吾無徵甲與粟於周亦已多矣何為與高都代曰與

之高都則周必折而入於韓

折猶屈入猶歸

秦聞之必大怒

而焚周之節

節符信也行者所執焚之者不通周也周官通達於天下必有節無節則不達

不通其使是公以敝高都得完周也何不與也公仲

曰善不徵甲與粟於周而與高都楚卒不拔雍氏而

去

紀有而畧周君為東周

薛公

靖郭君田嬰之子孟嘗君田文也襲其父封薛薛屬魯國以齊為韓魏攻楚楚懷

二十六年齊韓魏攻楚此十二年也

又與韓魏攻秦

齊閔二十六年為韓魏攻秦此十七

年而藉兵乞食於西周

藉猶借

韓慶

凡韓皆韓人其在周去韓仕周也凡

非本國人皆自其國來仕者也

為西周謂薛公曰君以齊為韓魏攻

楚九年取宛葉以北

二縣屬南陽九字誤當云六或五

為強韓魏

為猶

是今又攻秦以益之

益其強

韓魏南無楚憂西無秦患

則地廣而益重齊必輕矣夫本末更盛

更猶迭

虛實有

時

言不可常

竊為君危之

並言齊薛今雖善韓魏後或為患

君不如令敝

邑

也周

陰合為秦

陰猶私

而君無攻

但出兵臨秦不用攻也

又無藉

兵乞食

勿示秦以弱

君臨函谷

臨言以兵至其地函谷關名在弘農

而無攻

令敝邑以君之情

心所欲也

謂秦王

昭襄

曰薛公必不

補不字

破秦以張韓魏

張去音大之也

所以進兵者欲王令楚割東

國以與齊

楚之東地即楚策下東國云

而

元作秦王出楚王

懷以

為和

楚懷三十年張儀誘楚王會秦秦留之北十六年也

君令敝邑以此惠秦

秦得無攻周之力也

秦得無攻

元作破

而以楚之東國自免也必

欲之楚王出必德齊

齊出之齊之恩也

齊得東國而益強而

薛世世無患秦不大弱

無三國之兵故

而處之三晉之西

趙魏

韓本晉三卿分晉而君之故曰三晉

三晉必重齊

秦居晉西不弱而善齊三晉畏秦故齊重

薛公曰善因令韓慶入秦而使三國無攻秦而使不

藉兵乞食於周

孟嘗傳有今按楚記三國攻楚秦救之引去與此言取宛葉小駁

三國攻秦反

反猶還

西周恐魏之藉道也

藉亦借

為西周謂

魏王哀曰楚宋不利秦之聽

元作德

三國也

聽猶順從三國近楚

宋秦聽之則強而害楚宋故不利也

彼且攻王之聚

楚宋攻魏之康庫

以利

元作

到秦

若為秦報魏然

魏王懼令軍設舍速東

舍軍次也魏東還必道周周必

賔之故恐今速東則無賔之之費矣

韓魏易地

韓策書此在楚圍雍氏後

西周弗利樊餘人謂楚王

懷曰

周必亡矣韓魏之易地韓得二縣魏亡二縣

易地則魏亦有

得而獨言亡者亡多於得也

所以為之者

魏雖多亡然且為之

盡包二周

東

多於二縣九鼎存焉

漢志武王遷九鼎于邲邲邲屬河南為東周

且魏有

南陽鄭地三川

河內脩武注晉始啟南陽是也京兆山陽皆有鄭河南有新鄭此在楚魏

之間新鄭也河南郡注秦三川郡也周紀三川震注涇渭洛

而包二周則楚方城

之外危

南陽郡注葉公邑號方城

韓兼兩上黨

漢并州郡甘茂傳注遠韓近趙故言

兩此韓所得也今按東策周最再說金投秦策藍田陘山三章所言則上黨亦屬魏

以臨趙即

趙羊腸以上危

上黨壺關有羊腸坂高注趙險塞山形屈折如羊腸北皆以所近之國強

故危

故易成之日楚趙皆輕楚王恐因趙兵以止易

秦攻魏將犀武軍於伊闕

唐志為縣屬河南注北有伊闕故關此役秦昭十四年北

二十二年

進兵而攻周為周最謂李兌

趙司寇

曰君不如禁

秦之攻周

禁猶止

趙之上計莫如令秦魏復戰

趙魏鄰也魏有

秦兵則趙無事

今秦攻周而得之

得猶勝

則衆必多傷矣秦欲



持

元作待

周之得

持猶保

必不攻魏

恐重傷

秦若攻周而不

得前有勝魏之勞後有攻周之敗又必不攻魏今君

禁之而秦未與魏講也

講和解也

而全趙令其止必不敢

不聽是君却秦而定周也

却猶退

秦去周必復攻魏魏

不能支

支猶拒

必因君而講

與秦和也

則君重矣

凡言重皆制人而不

制於人者也

若魏不講而疾支之是君存周而戰秦魏也

重亦盡在趙

犀武敗於伊闕周君之魏求救

白起既敗魏遂進攻周周以魏怨之故往求救

魏王昭以上黨之急辭之意者有趙或韓兵也周君反見梁囿

陳留浚儀注魏惠王自安邑徙大梁有林池曰囿而樂之也綦毋恢周謂周

君曰溫囿不下此溫屬河內言其樂不在梁下而又近近臣能為

君取之反見魏王王曰周君怨寡人乎對曰不怨且

誰怨乎臣為王有患也周君謀主也猶為天子故而設以

國為王扞秦設施陳扞衛也而王無之扞也無為周扞者臣見其

必以國事秦也秦悉塞外之兵與周之衆以攻南陽

而兩上黨絕矣言趙韓援魏之路絕魏王曰然則奈何綦毋恢

曰周君形不好小利

形猶勢也小利謂溫圍國事秦小多憂其勢宜不得游觀

事秦

而好小利

有秦助則無國患乃得游觀

今王許戍三萬人

戍守邊也許為

周并秦與溫圍周君得以為辭於父兄百姓

云得戍卒之援

而

私元作

溫圍以為樂

得戍公也得圍私也

必不合於秦臣嘗聞

溫圍之利計歲八十金

魏人貢其上之數

周君得溫圍其以

事王者歲百二十金

周許魏之數

是上黨無患

周善事魏則趙韓必

不加

而贏四十金

贏有餘賈利也

魏王因使孟卯

鴻烈汎論注齊人即

芒卯致溫圍於周君

致送也

而許之戍

鹿謂周君非賢君也秦兵在境而樂

於國其志荒矣恢雖能得國  
非君子所以事其君者也

犀武敗周使周足

周相

之秦或謂周足曰何不謂周君曰

臣之秦秦周之交必惡

皆美惡之惡

主君之臣

主君稱周君

又

秦重

秦之所重

而欲相者

欲得相周

且惡臣於秦

此人欲代足相周故敗其

足

使事此二國所以必惡

而臣不能為使矣臣願免而行

免已之相以順

者君因相之彼得相不惡周於秦矣君重秦

此下或人復說

足故使相往行而免是

元作且

輕秦也公必不免

雖以自

請勢不可免也

公言是而行交善於秦是公之事成

元作成事也

交惡於秦不善於公者

補者字

且誅矣

意其惡足於秦也

蘇厲

亦秦之弟

謂周君曰敗韓魏殺犀武攻趙取蘭離石祁

者

蘭及離石屬西河祁屬太原

皆白起

秦將武安君

是攻用兵

攻功字言善巧

也

又有天命也

得天之助

今攻梁

魏都

梁必破破則周危君

不若止之謂白起曰楚有養由基者

楚共王將

善射去柳

葉者百步而射之百發百中

發發矢

左右皆曰善有一

人過曰善射可教射也矣

意欲其息

養由基曰人皆善

善善

我子乃曰可教射子何不代我射之也客曰我不能

教子支左屈右

文如竹之支也蓋其直左右臂

夫射柳葉者百發

百中而不以善息

百中善也此時宜息

少焉氣力倦弓撥矢鉤

元作拘今從史撥弓反也鉤矢鋒屈也

一發不中前功盡矣

盡猶減

今公

破韓魏殺犀武而北攻趙取蘭離石祁者公也公之

功甚多今公又以秦兵出塞過兩周踐韓而以攻梁

踐履也

一攻而不得前功盡滅公不若稱病不出也

猶過

周紀三十

四年有

楚兵在山南

山吳岳屬扶風禮所謂岳山也

伍

元作吾下同

得

楚將也高注吾作五

將

為楚王

項襄

屬怨於周

屬連也猶結

或謂周君曰不如令太

子將軍正

周太子也將去音軍正猶卒正軍之率也

迎伍得於境而君自

郊迎令天下皆知君之重伍得也因泄之楚曰

微漏其言

使楚周君所以事伍得者器必名曰謀楚

此以間得於楚言與

知之得之器其

王必求之

楚王而伍得無効也効猶致也得

欵識云然

王必求之

以其欺也彪謂此謀雖不出於正而免國於難可也

楚請道於兩周之間

以假以臨韓魏周君患之蘇子

元

秦秦字季子洛陽人其死時東西周未分此當為代若厲諸如此處不一

謂周君曰除道

屬之於河

除去檄也夏紀注河出金城積石蓋道行兩周之間使楚所假連及之

韓魏

必惡之

惡楚

齊秦恐楚之取九鼎也

道廣可必救韓魏以出鼎

而攻楚楚不能守方城之外安能道二周之間若四

國弗惡

齊秦韓魏

君雖不欲與也

與之道

楚必將自取之矣

秦召周君周君難往

意不欲往

或為周君謂魏王

安釐

曰秦召

周君將以使攻魏之南陽王何不出兵於河南

洛陽

也時未為郡言河之南耳

周君聞之將以為辭於秦而不往

以魏兵在

境為言

周君不入秦秦必不敢越河

越度

而攻南陽



周君之秦謂周最曰

最時從

不如譽秦王之孝也

秦昭因以

原為太后養地

齊記注河內沁水有原城后昭王母宣太后也供養之地湯沐邑也

秦

王太后必喜是公有秦也

有言得其意

交善

周秦之交

周君必

以為公功交惡勸周君入秦者必有罪矣

紀四十五年有

秦欲攻周周最謂秦王

昭

曰為王之國計者不攻周攻

周實不足以利國而聲畏天下

聲猶名也周天子也今見攻故天下畏秦

天下以聲畏秦必東合於齊兵敝於周

攻雖勝不無傷失

而

合天下於齊則秦孤而不王矣是天下欲罷秦

罷疲同下

同故勸王攻周秦與天下俱罷

天下合齊而與秦戰戰則必疲則令

不橫行於周矣

橫行無畏忌也紀有

官他周人謂周君曰宛恃秦而輕晉

宛屬南陽故申伯國南陽三晉時屬韓韓

釐五年秦拔我宛蓋宛亡在春秋之晉三晉分晉乃屬韓也

秦飢而宛亡

此下皆恃遠輕

近而亡秦飢不暇救宛故晉滅之其亡不經見

鄭恃魏而輕韓魏攻秦而鄭

亡鄭河南新鄭鄭君乙二十一年韓哀侯滅之

邾莒亡於齊

魯鄒縣故邾也邾曹姓國

二十九世楚滅之莒屬城陽國故

陳蔡亡於楚

陳舜後漢

淮陽國楚惠王十年滅陳四十二年滅蔡皆不見所恃蓋即恃楚不備之也

此皆恃援國

而輕近敵也

援引也故有助意

今君恃韓魏而輕秦國恐傷

矣君不如使周最

元作早

陰合於趙以備秦則不毀

凡一十九章

戰國策卷一

戰國策卷二

宋 鮑彪 撰

東周

漢志河南鞏東周君所居

惠公

周紀考王封其弟河南是為桓公桓公子威公威公子惠公封其子於鞏號東

周惠公然則河南鞏父子同諡也又紀西周武公報王則諡也蓋以避秦不敢稱尊楚記頃襄十八年王報使武公此武公報王臣也而徐注以為惠公之子疎矣惠公之子自為東周君豈為西周用耶然兩周西先亡至莊襄元年俱滅

秦興師臨周而求九鼎周君患之以告顏率周顏率曰

大王勿憂臣請東借救於齊顏率至齊謂齊王閔曰

夫秦之為無道也欲興兵臨周而求九鼎周之君臣

內自盡盡其心思計與秦計猶不若歸之大國謂齊夫存危

國周有秦兵危也美名也得九鼎厚寶也厚寶願大王圖之

齊王大發師五萬人使陳臣思即後田臣思凡將以

救周而秦兵罷齊將求九鼎周君又患之顏率曰大

王勿憂臣請東解之東之齊解免之顏率至齊謂齊王曰周

賴大國之義得君臣父子相保也願獻九鼎不識大

國何涂之從

問其路所從出禮遂上有徑洫上有涂

而致之齊齊王曰

寡人將寄徑於梁

徑步道也猶言假涂

顏率曰不可夫梁之君

臣欲得九鼎謀之暉臺之下

臺名曰暉故孟子稱梁有臺池之樂

沙元作

少海之上

九域圖開封有沙海引北

其日久矣鼎入梁必不出齊

王曰寡人將寄徑於楚

楚非適齊之途既不可入梁亦無從至楚其云然不可曉

也對曰不可楚之君臣欲得九鼎謀之於葉庭之中

即南陽葉也

其日久矣若入楚鼎必不出王曰寡人終何

涂之從而致之齊顏率曰敝邑固竊為王患之夫鼎

者非效壺醢醬瓿耳

壺昆吾園器瓿瓿也

可懷挾提挈以至齊

者非效鳥集鳥飛兔興馬逝

並喻其輕疾

漣然止於齊者

集韻漣湊流貌

昔周之伐殷得九鼎凡一鼎而九萬人輓之

輓引也

九九八十一萬人士卒師徒

士一人也二千五百人為師徒步行

者械器被具

械器之總名被具士卒所服用之具

所以備者稱此

備人之所

應用使稱足此八十一萬人

今大王縱有其人何涂之從而出竊

為大王私憂之齊王曰子之數來猶無與耳

言許之而實不



也與顏率曰不敢欺大國疾定所從出敝邑遷鼎以待

命齊王乃止

秦攻宜陽

韓邑屬弘農秦武三年攻宜陽赧之七年也

周君謂周累曰子以

為何如對曰宜陽必拔也君曰宜陽城方八里材士

十萬

士有材武者

粟支數年公仲之軍二十萬景翠

楚將以

楚之衆臨山而救之

楚與韓隣而與秦相圖故救之

秦必無功對曰

甘茂

下蔡人仕秦

羈旅也

集韻羈旅寓也

攻宜陽而有功則周公旦

也

言且相秦

無功則削迹於秦

言不

秦王不聽羣臣父兄

之議而攻宜陽宜陽不拔秦王耻之臣故曰拔君曰

子為寡人謀且奈何對曰君謂景翠曰公爵為執珪

官為柱國

楚卿

戰而勝則無加焉矣不勝則死不如背

秦援宜陽

翠時蓋援宜陽而有秦相故說之云

公進兵秦恐公之乘其

敝也

乘謂因而攻之

必以寶事公公仲慕公之為已乘秦也

亦必盡其寶秦拔宜陽景翠果進兵秦懼遽効煮棗

屬濟陰

韓氏果亦効重寶景翠得城於秦受寶於韓

而德東周

德思之也

東周與西周戰韓救西周為東周謂韓王襄曰西周者

故天子之國也多名器重寶按兵而勿出

按下與舉兵反

可

以德東周西周之寶可盡矣

欲韓出兵故賂之紀八年有

東周與西周爭西周欲和於楚韓

和二國以為已援

齊明

疑楚人兩

見楚策

謂東周君曰臣恐西周之與楚韓寶令之為已

求地於東周也不如謂楚韓曰西周之欲入寶持二

端

言東兵急則入不急則已

今東周之兵不急西周之寶不

入楚韓楚韓欲得寶即且趣我攻西周

趣疾也督使疾戰我謂東

周 西周寶出是我為楚韓取寶以德之也

言有恩於楚韓 西

周弱矣

東周欲為稻

為謂種之

西周不下水

稻宜濕西周居河之上流

東周患之

蘇子

非代則厲

謂東周君曰臣請使西周下水可乎乃往

見西周之君曰君之謀過矣今不下水所以富東周

也今其民皆種麥

麥宜燥也

無他種矣君若欲害之不若

一為下水以病其所種下水東周必復種稻種稻而

復奪之若是則東周之民可令一仰西周

有望於上則仰 而

受命於君矣西周君曰善遂下水蘇子亦得兩國之

金也

彪謂此策不可行東西周壤地相接豈不能候其所種蘇子東人也為東游說西豈得不疑且

今下水安能保其不奪雖一為下何補哉

昭獻在陽翟

屬潁川

周君將令相國往

往與獻會

相國將不欲

蘇厲為之謂周君曰楚王與魏王遇也主君令陳封

之楚

此言疇昔之事陳向許皆仕周而位在相下

令向公之魏楚韓之遇

也

亦其王遇

主君令許公之楚令向公之韓今昭獻非人

主也而主君令相國往若其王在陽翟主君將令誰

往

言必君自往

周君曰善乃止其行

秦假道於周以伐韓周恐假之而惡於韓不假而惡於

秦史鰌

韓史疑即厭

謂周君曰君何不令人謂韓公叔

韓公

族

曰秦敢絕塞

絕橫波塞障也為垣壘以遮止隣國往來

而伐韓者信東

周也公何不與周地發重使

使周發使

使之楚秦必疑

楚秦

相國之國也周使使楚故秦疑其國已

不信周是韓不伐也

不受秦伐

又謂

秦王

武

曰韓強與周地將以疑周於秦寡人不敢弗

受秦必無辭而令周弗受是得地於韓而聽於秦也

紀八年有彪謂十有國之士設心措辭無不出於詐若此者君子之所怒也下章次之

楚攻雍氏

此亦赧之十五年也

周赧秦韓

赧食米也時秦救韓周以米餉之

楚王

懷

怒周周之君患之為周謂楚王曰以王之強而怒

周周恐必以國合於所與粟之國則是勁王之敵也

勁強也

故王不如速解周恐

周以楚怒之故恐

彼前得罪而後

得解必厚事王矣

蘇厲為周最謂蘇子

元作秦

曰君不如令王

君謂蘇子王周君也此時

與赧俱王其稱公後避秦也

聽最以地合於魏趙

地周

故必怒

稱故

者特為之怒  
蘇子怒最

合於齊

怒最而及其所合

是君以合齊與強楚

吏產子

時齊與楚善合齊則得與楚為與國可至再世產子言易世也與黨與也

君若欲

因最之事

與最同合魏趙比厲本謀也前皆游辭耳故為為周最

則合齊者君

也割地者最也

謂周最曰仇赫之相宋將以觀秦之應趙宋

絕句

敗三國

韓魏齊也魏紀哀二十一年與韓齊敗秦函谷蓋此時秦欲敗之反為所敗也報十八年

三國不

敗將與趙宋合於東方

即三國

以孤秦亦將觀韓魏之

於齊也不固則將與宋敗三國

此應秦也

則賣宋於三國



此應三國也以國情輸之曰賣言赫不忠於公何不  
宋不應秦則應三國以此知赫本非宋人

令人謂韓魏之王

韓襄魏哀

曰欲秦趙之相賣乎

此賣猶欺何

不合周最兼相

使韓魏皆相之

視之不可離

視示字二國同相最可見其交

之則秦趙必相賣以合於王也

為周最謂魏王

哀

曰秦知趙之難與齊戰也

難言其不利

將

恐齊趙之合也必陰勁之

助趙以兵使之強

趙不敢戰

難先戰

恐秦不已收也

達其勁之意

先合於齊秦趙爭齊

齊固秦所欲合

故其勁趙謂之陰勁

而王無人焉

無主其事於齊者

不可王不去周最

最時在魏欲之齊故合與收齊與即謂齊齊而以兵

此士為之言使得去魏之與國急之元作之急急之則伐齊無因事矣言秦見齊有魏兵必伐之

以此有彼曰因猶言無他事矣齊敗魏馬陵宜為魏讐因此言合與蓋其國形宜相依也

謂周最曰魏王哀以國與先生以德齒尊稱之貴合於

秦以伐齊貴猶薛公文田故主齊閔王也最當仕齊故稱之輕忘其

薛不顧其先君之丘墓謂齊王田文欲去國以避秦兵而公獨修虛

信最本善齊固不肯齊然今相魏魏有為茂行美也以秦伐齊之形猶為虛信信謂親之

明羣臣明猶示也據故主據仗持也猶言為之此言最在魏示朝臣以為齊王

不欺之此

所謂伐行不與伐齊

與去音

產以忿強秦

產猶生也魏欲伐齊已獨

不與猶生此節目也

違秦不伐齊故秦忿不可公不如謂魏王薛公曰請

為王入齊天下不能傷齊

最之智畧足以全齊

而有變

萬一有傷齊者

臣請為救之

此則非虛信矣

無變王遂伐之

伐秦

且臣為齊奴

也

為去音言其為之如奴事主

如累王之交於天下

累者事相連及猶誤也交

謂齊魏

不可

此言非人之情

王為臣賜厚矣臣入齊則王亦無

齊之累也

此累猶患

趙取周之祭地周君患之告於鄭朝

凡鄭皆鄭人

鄭朝曰君

勿患也臣請以三十金

一斤為一金

復取之周君子之鄭

朝獻之趙太卜因告以祭地事及王病使卜之太卜

譴之曰

譴謫問也

周之祭地為崇

神禍也

趙乃還之

杜赫

周人

欲重景翠於周謂周君曰君之國小盡君之重

寶珠玉以事諸侯不可不察也

國小必賂以求援譬不可勝賂故宜察

之如張羅者張之於無鳥之所則終日無所得矣張

於多鳥處則又駭鳥矣

多鳥處有觸羅者傍鳥必張必覺覺則群驚而去矣

於有鳥無鳥之際然後能多得鳥矣今君將施於大

人大人輕君施於小人小人無可以求又費財焉

均之

費財而小人多則多費也君必施於今之窮士不必且為大人者

不必猶不可知也言不終窮故能得欲矣

齊策楚策皆有杜赫

在齊則威王時於周顯王時也自顯威至是八十年矣疑赫字誤景翠實此時人

三國隘秦

報十八年注具前隘謂隔絕之

周令其相之秦以秦之輕也

見其隘於三國留其行

不進

有人謂相國曰秦之輕重未可知

也秦欲知三國之情公不如遂見秦王

昭

曰請為

一作

謂王聽東方之處

聽偵候之東三國也處其所為

秦必重公是公重

周

下衍重周二字

以取秦也

秦重相則周重矣

齊重故有周

齊重天下重之

也故猶舊也有言善之

而已取齊

此時秦齊為天下重已善秦不可忽齊故又勸之取齊

是周常不失重國之交也

宮

元作昌下同此書作宮不一

他亡西周

以罪去國曰亡

之東周盡輸西周

之情於東周

輸言委以告之

東周大喜西周大怒馮睢

元作且睢

之省也猶趙作肖齊作立故後唐且史作睢裴駘亦曰唐睢以華顛悟秦也此西人下同

曰臣能

殺之君子金三十斤馮睢使人操金與書間遺宮他

為反問書以遺之

曰告宮他事可成勉成之不可成亟亡來

亡來

亟急也

事久且泄自令身死

事泄露則死而不亟來自取之也

因

使人告東周之候

偵候之吏楊雄曰西北一候

曰今夕有姦人當

入者矣候得而獻東周

得其人與書

東周立殺宮他

昭翦與東周惡或謂昭翦曰為公畫陰計

為人謀者昭畫之以籌

翦曰何也曰

補此字

西周甚憎東周常

元作嘗

欲東周與

楚惡西周必令賊賊公因宣言東周也

集韻宣揚也

以惡

元作西周二字

之於王也

王楚懷王

昭翦曰善吾又恐東周之賊

已

此翦自計

而以輕西周惡之於楚

翦惡東必善西西善翦則楚亦因重西矣

東欲壞其交故賊翦翦死則西遽和東周處謂周哀  
君臣唯貪

無內主於楚東因得使楚惡之  
利而畏禍故一切趨避變亂於游談之口而無  
有持操翦之慮死如此其復能固其所守乎

周最謂呂禮

凡呂皆齊人禮以秦昭十三年奔魏十九  
年復歸秦其相齊在薛公歸薛後見五當

傳蓋報二十一年後也曰子何不以秦攻齊臣請令齊相子秦

齊禮使之也齊欲免  
攻故可使之相禮子以齊事秦必無慮元作  
處矣子因

令下衍  
周字最居魏以共之與齊俱  
事秦是天下制於子也子

東重於齊西貴於秦秦齊合則子常重矣

謂薛公田曰周最於齊王厚也閔而逐之聽祝弗齊  
人相



呂禮者欲取秦也秦

補此二字

齊合

上章所謂以齊事秦

弗與禮重

矣

與猶如也言二國合則齊所重無如禮者

有

下衍

齊

秦有

秦必輕君君

弗如急北兵趨趙

亦與趙攻秦

以

秦魏

能以左右之曰

收周

最以為後行

齊初逐最欲取秦合也今攻秦收最用之可圖後舉行猶舉

且反齊

王之信

齊前與秦合今與趙攻之信反也

又禁天下之率

率猶從也謂從齊

齊無秦天下果弗必走

果猶決也走去音趨之也言不趨齊

齊王誰與

為其國

言必重文孟嘗傳有

齊聽祝弗外周最謂齊王

閻

曰逐周最聽祝弗相呂禮

者欲深取秦也秦得天下則伐齊深矣

秦得齊則益強故能得天

下得天下則亦不能存齊

夫秦

補

齊合則趙恐伐

秦伐之

故急兵以

示秦

趙兵攻齊

秦以趙攻

齊攻

與之齊伐趙

趙之猶

其實同理

以趙攻齊則得齊趙齊伐趙亦得趙故其理同

必不處矣

處猶據也言秦不據齊理同而獨不

據齊齊無兵而趙已出兵故也

故用祝弗即天下之理也

理在受兵於趙

周相呂倉見客於周君

言之於君使得見

前相工師籍恐客之

傷已也

傷猶毀此即後工師籍

因令人謂周君曰客者辯士也

然而所以不可者

不可好毀人聽用  
彪謂工師籍非端人也禮義不愆何恤人

言之

周文君

史書東周略甚宜惠公及有此君耶不然則惠公別稱也鴻烈道應訓亦稱周昭文君此後書

訓皆鴻烈也

免

下衍士字

工師藉相呂倉國人不說也君有閔

閔之心

亦不說也

謂周文君曰國必有誹譽

誹謗也

忠臣令

誹在已譽在上宋君奪民時以為臺而民非之

見良十一

年無忠臣以掩蓋之也子罕釋相為司空

司空主土工傳言子

罕親執朴以行蒙者是也

民非子罕而善其君齊桓公宮中女

元作

士市女閭七百

閭里中門也為門為市於宮中使女子居之

國人非之管

仲故為三歸之家

婦人謂嫁曰歸夫家曰家仲孟三取女也

以掩桓公非

自傷於民也

管仲為此人所毀之仲非樂於毀也其意欲掩蓋桓公耳一說仲欲掩公之非

寧自春秋記臣弑君者以百數皆大臣見譽者也故

大臣得譽非國家之美也

彪謂此言掩君之非可耳而齒見譽者於弑君之列

則後世名卿賢相何道而可以安於朝廷之上不仁哉

一言也故衆庶成強

言師藉之得衆

增積如山周君遂不免

下相當也

溫人之周

溫時為西邑綦母恢請之也

周不納

並東周

客即對曰主人

也

矯稱東人

問其巷而不知也吏因囚之君使人問之曰

子非周人而自謂非客何也對曰臣少而誦詩詩曰

普天之下莫非王土率土之濱莫非王臣

小雅北山詩普徧率

也循今周君天下則我天子之臣而又為客哉故曰主

人君乃使吏出之

或為周最謂金投

蓋趙人之不善齊者

曰秦以周最之齊疑天下

周使最之齊秦以此疑周齊與天下合而謀已

而又知趙之難子

不敢連投

齊人

戰恐

秦既疑齊投又不善齊故齊懼伐

齊

下衍韓字

之合必先合於秦秦

齊合則公之國虛矣

言趙必破而為墟墟虛字同大丘也

公不如救齊

因佐秦而伐韓魏上黨長子

屬上黨並韓地

趙之有己

二國有秦

兵故趙得取其邊地

公東收寶於秦

佐秦故

南取地於韓魏因以

困韓魏唇齒之國故也徐為之東

為猶謀也東謂齊

則有合矣

齊合趙也始時

趙與齊隙無合理今得秦韓故齊懼而合其實最時相齊慮有趙患故為最謀者移之韓魏也

周最謂金投曰公負令秦與強齊戰

負猶失也其失在此

戰勝齊

秦且收齊而封之

封謂疆理之

使無多割

割謂出地

而聽天下

之戰

諸國求地於齊齊不多割則必戰此秦弱齊之計

不勝國大傷

趙傷也時趙令

秦與齊戰戰不勝則秦必咎趙能無傷乎

不得不聽秦

趙聽也

秦盡韓魏之

上黨太原

魏地後為秦郡

西土

元作止

秦之有已

秦之所難者齊也已收齊

則韓魏不守

秦地天下之半也制齊楚三晉之命

趙以大傷故亦

見覆

元作復

國且身危

覆如覆器然國趙也身謂投

是何計之道也

言非計此策最為齊使趙拒秦也

石行秦

人謂大梁造

秦爵梁作良秦孝十年衛鞅惠文五年公孫衍昭襄十五年白起皆

為之比蓋起也

曰欲決霸王之名不如備兩周辯智之士

謹備

待謂周君曰

行秦謂之

君不如令辯智之士為君爭於秦

秦欲卑周爭者爭此也既謹待之則爭必得矣

凡二十六章

戰國策卷二



謹案卷一第一頁後三行故留之十四日以待命  
也刊本十訛中據前七行十四日句及高誘吳  
師道本改

第五頁後二行襲其父封薛刊本封訛其據吳師  
道本改

第六頁前七行君令敝邑以此惠秦刊本惠訛忠  
據吳師道本改

第八頁後三行溫屬河內刊本內訛南據漢書地

理志改

卷二第一頁前六行又紀西周武公刊本公訛王  
據吳師道本改

第十一頁前七行言必重文刊本言訛舍據吳師  
道本改

第十一頁後七行此即後工師籍刊本師訛陳據  
下節文及吳師道本改

第十二頁前七行親執朴以行築者刊本朴訛非

據左傳改





總校官庶吉士臣侍朝

校對官中書臣吳甸華

謄錄監生臣張曾秀